

ইরাকে প্রথম জাতীয় বার্তা সংস্থা চালু হয়েছে

ওয়াশিংটন, ২০ই আগস্ট -- ইরাকে গণমাধ্যমের সংখ্যা বৃদ্ধি পাওয়ায় দেশটির এক দল সাংবাদিক পেশাজীবীদের প্রয়োজনে দেশব্যাপী একটি সংবাদ সংস্থার প্রয়োজনীয়তা অনুভব করেছে। ঐ সাংবাদিকগণ গত অক্টোবর মাসে যুক্তরাষ্ট্র আন্তর্জাতিক উন্নয়ন সংস্থার (ইউএসএআইডি) সহায়তায় জাতীয় ইরাকী সংবাদ সংস্থা (এনআইএনএ- নিনা) চালু করেছে। নিরপেক্ষ এবং নির্ভুল তথ্য পাঠক সমাজকে উপস্থাপন করে ইরাকী গণমাধ্যমগুলোকে সহায়তা করাই হচ্ছে নবগঠিত এই সংবাদ সংস্থার লক্ষ্য।

দেশটির প্রবীন সাংবাদিক ও নিনার সহ-প্রতিষ্ঠাতা ডঃ আইয়ার বলেছেন, “ইরাকের একটি স্বাধীন ও পেশাদার সংবাদ সংস্থা প্রয়োজন। নিনা প্রতিষ্ঠা করা আমাদের জন্য একটি চ্যালেঞ্জ, তবে আমরা বিশ্বাস করি যে, এই সংবাদ সংস্থা সম্প্রসারিত হবে এবং বিভিন্ন গণমাধ্যমকে সেবা প্রদানে সক্ষম হবে”।

ইরাকের প্রথম স্বাধীন এই সংবাদ সংস্থা আরবী ভাষায় দেশটির রাজনৈতিক, অর্থনৈতিক ও সামাজিক জীবনের সংবাদ ও নিবন্ধ সরবরাহ করে থাকে। সংস্থাটি যথাযথ, সৎ ও নির্ভরযোগ্য সংবাদে উৎস হওয়ার চেষ্টা করছে, যাতে ইরাকীরা অযাচাইযোগ্য সংবাদের ভিড়ে তার উপর বিশ্বাস রাখতে পারে।

নিনার মালিক ও পরিচালনার সাথে সংশ্লিষ্ট গণমাধ্যম পেশাজীবীরা এই সংবাদ সংস্থা প্রতিষ্ঠায় আন্তর্জাতিক সংবাদ সংস্থার ব্যাপস্থাপকদের সাথে পরামর্শ করছেন। যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) কারিগরী সহায়তা প্রদান করছে এবং নিনার সাংবাদিকদের লেখা ও সম্পাদনা দক্ষতা বৃদ্ধি এবং আন্তর্জাতিক গণমাধ্যমের মান অর্জনে সহায়তা করছে। ইউএসএআইডি ইরাকের বাগদাদে অবস্থিত সংস্থার প্রধান কার্যালয় সংবাদ সংগ্রহ, সম্পাদনা ও বিতরণ যন্ত্রপাতি দিয়ে সজ্জিত করেছে।

নিনা আরবিল, হিলু বসরা এবং বাগদাদে আন্তর্জাতিক জোনে পূর্ণ-কালীন সংবাদদাতার পাশাপাশি দেশের অন্যান্য অংশে ফ্রিল্যান্স প্রতিবেদক নিয়োগ করেছে।

এই সংবাদ সংস্থা সারা দেশে নির্ভুল ও মানসম্মত তথ্য পরিবেশনে সক্ষম সংবাদ মাধ্যম
বিকাশের লক্ষ্যে ইউএসএআইডি'র প্রচেষ্টার অংশ।

প্রশিক্ষণ, ব্যবসা উন্নয়ন সহায়তা এবং সেই সাথে গণমাধ্যমকে আইনী পরামর্শ দেয়ার মধ্য
দিয়ে ইউএসএআইডি ইরাকে একটি স্বাধীন ও দায়িত্বপূর্ণ গণমাধ্যম বিকাশের ভিত্তি গড়ে তুলছে।

=====

*(ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রামস-এর একটি
প্রকাশনা।)

জিআর/ ২০০৬

দ্রষ্টব্য: এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে
আগ্রহী হন, তবে 'আমেরিকান সেন্টার' প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-
মেইল: DhakaPA@state.gov এবং Website: dhaka.usembassy.gov এ যোগাযোগ করুন।